

Muulsâiävtuh niävdusij ovdâškovlâ- tâi peivikiäččupeeivi vuávám toorjân

Niävdusij sierâdempeeivi

Párnááh oovtâst rävisulmuin vuávájuh niävdusij peivikiäččupeeivi vuájudâtmáin sierâdmân. Maid kolgâččij sierâdiđ? Magareh sierah já tarbâšeh tarbâšuvvojeh? Maht sierah juáhhojeh? Maht rävisolmooš lii fáárust sierâin? Puávtáččij-uv pääihist pyehtid monnii sierâ? Uázžu-uv sierâid sierâdiđ loopân tâi juátkid ehidisppeeivi tâi čuávuváá peeivi? Maid mij sooppáp čurgiimist?

Niävdusij oppâmpeeivi

Maid párnááh halijdiččii oppâđ tâi mättiđ? Mast mun lam čeppi já maid mun vala hárjuttâlâm? Magarijd aasijd mij puávtáččijm máttááttállâđ oovtâst peivikiäjust tâi ovdámáttááttâsâst? Magareh sajuh já tarbâšeh tarbâšuvvojeh?

Niävdusij ovdâškovlâ- tâi peivikiäččupeeivi olgon

Pieijâđ vuávámist tiädu toos, et maggaar ličij niävduspeeivi, jis viätáččijd tom olgon? Magarijd sierâid puávtáččij sierâdiđ? Kolgâččij-uv vyelgid mohástállâđ? Maht peeivi várás kolgâččij rahttâttâđ (šonjá, pihtâseh, purâdem)?

Niävdusij skippáárpeeivi

Pieijâđ vuávámist tiädu viärdásâškoskâvuodâi já vuáruvaiguttemkoskâvuodâi tuárjumân sehe kivsedem estimân. Smiettâđ já vuávâđ párnáiguin, et maht sierah já sierâdemskipáreh peeivi ääigi juáhhojeh. Maht puáhtá visásmittiđ, et puohah peesih fáárun sierâid? Maht mij toimâp, jis šadda rijdo? Maid mun poorgâm, jis huámásâm, et kiinii lii ohtuu?

Niävdusij taaidâpeeivi

Uápásmep-uv jieškote-uvlágán kovetaiduu teknikáid? Vyelgip-uv taaidâčáitáldâhân? Toollâp-uv draamasierâdempeeivi uápis párnáimainâs miäldásávt? Vâldip-uv puoh peivikiäju čuojânâsâid haaldun? Râhtip-uv tanssâčáittus? Tâi puávtáččij-uv smaavâjuávhust olášuttiđ täin eenâb-uv ko oovtâ muulsâiävtu?

Niävdusij juhlepeeivi

Láá-uv jurduin naamijááh, taansah tâi veikkâba president lane juhleh? Vuávâđ niävdusij juhlepeeivi. Vâldid vuávámist huámášumân ovdâmerkkân hervim, muusik já kárvudâttâm.

Párnáá vuoigâdvuodâid já uásálâšvuodâ kunnijâttee purâdem- tâi vuoinjâstempuddâ

Maggaar tot ličij? Uázžuh-uv párnááh vâldid purrâmâš jiejah tâi valjid jieijâs čokkámsaje? Maggaar ličij niävdusij vuoinjâstem- tâi luuhâmpuddâ, jis párnááh uázuččii tom vuávâđ?